

RERVM VIENNENSIVM LIBER

Quartus, de familijs insignioribus urbis Viennensis, & qui
quouis magistratu functi sunt.

CAPVT I. DE FAMILIIS VR-
bis Viennensis in genere.

Familie
magnarum
Rerumpub
licarum.

VAE ad incrementa Viennæ accesserint, rationes omnes superioribus libris ad plenum (quod aiunt) ostendimus: incrementa uerò ea consequuta esse Rempublicam illius felicissimam, ac ueteribus celebratissimis etiam comparandam. Itaq; quemadmodum in his familie quedam ob hanc tam felicem administrationem non solum ad famam nominis, uerumetiam ad stirpis perpetuam successionem peruenerunt, Athænis Leontidum, Acamantidū, & Antiochidum (unde Themistocles, Pericles, & Aristides processerunt) Romæ uerò tot Tulliorum, Aemiliorū, Papiriorum, Aureliorum, Seruiliorū, Scipionum, Portiorū, Flauiorū, & Neruarum, ac tam nobiles stirpes, & in tot secula propagatæ: ita quoq; Viennæ ob bene gubernatā Rempublicā, profapias quasdam ortas cōperimus, nec præclarè gestis, aut opum cumulo, successionēq; Græcis Romanis ue inferiores. Nam si profapias, maiores nostri ac rerum scriptores classici in rebus publicis maximis eas cōmendarunt, que honestis primū studijs rem compararunt, deinde ut successionē generis lociq; apud suos tenuerint, præclarè rebus pro patria gestis, & in magistratus suos aut principes fide, effecerint: Viennæ mehercule, eiusq; familijs eo maior ac dignior laus dabitur, quòd ad superiora omnia adiuuēta conseruandarum successionū, quæ maxima sunt, efficacissimaq; ea quoq; pietatis adminicula, quæ in Deū optimum maximū nobis Christianis meritò esse debet, adiecerint. Quibus rebus factum est, ut congestucopiarum, gestorū & honestorum studiorum, pleræq; apud Viennam Austriæ stirpes, ac œconomiae administratione sincera, nomina sua, longa annorum serie ad posteritatē transmiserint. De quibus ordine à nobis dicetur, exordio ab his sumpto quæ in patriciorum ordinem equestrem que transgressæ, bellorū incōmoditate fatorūq; iniquitate interciderūt.

CAPVT II. DE FAMILIIS VIEN-
næ equestris ordinis, quæ interciderunt.

Nobiliū fa
milie Vien
nēsis urbis.

Nmaximis inuenio Rebuspublicis tres ciuium ordines seu tribus, & in subsellijs horum dignitatem diuersam fuisse: Patriciorum inquam, Equitum, & plebis. Hi cum constituta simul auctaq; Viennensi Republica creuerunt, & principum terræ fauore, & in hanc ciuitatē inclinatione, paulatim

paulatim ad eos processus peruenere, ut patribus Romæ quondã à Romulo institutis, multi ibi & diuitijs & consilijs ac ætate conferri possent. Qui ex humiliori gradu maiores ad res quotidie constituti, clari natalibus & meritis in Rempublicam, à Principibus suis equestris gradus honore accumulabantur. Nam cum haud neglecti, in multo horum usu essent, quid mirum, si adhibito discrimine ætatis & census, Principes hos & gradu cæteris prætulerint, & munia commiserint maiora, honoratioraq;? Harum catalogum nos adeò hoc capite recensimus, quæ ob tranquilla quæ Reipublicæ Viennensi acciderunt tempora, esse desierunt: ob res tamen bene administratas, & successionis tam longa interualla, memoria dignissimas.

VELBEN, cuius prosapię legimus Theodericum & Henricum, comitum Hardecensium in Austria uasallos fuisse. Quorum Henricus Vuilburgim comitissam ab Helfenstain, & Ottone comite à Plaen & Hardekhe uiduatam, cõiugem duxit, & in comitatu Hardecensi à ducibus Austriæ substitutus est, circa annum Domini MCCCXII. Huius quoq; familiæ legitur Ioannes Velben, anno postea MCCCCVI. præfectum urbis Viennensis egisse, quem nostra ætate Annualdum dicimus.

INNERNBRODER, hoc est, si latinè reddas, fratrum Minorum, quod uidelicet Minorum monasterium tum fortè à Blanca Galliæ regis filia & Elisabetha Arragonum regis nata, Austriæ ducissis, auspiciatum, hiut Mecœnates fouerint, & suis donatiuis augustius reddiderint: ferebant in armis gentilicjs album gryphonem, aureis calcaribus, & aureo rostro præditum. Quorum Cunonem obseruauimus, bractearijs Viennæ præfuisse, anno MCCLXXXIX. quæ tum summa dignitas erat, Consuli etiam ac prætori prælata. Quem sequutus est alter Cuno, & hunc Vdalricus, cum Birgita uxore, in sacello diui Ioannis, apud Minores sepulti cernuntur. Quo loco & Gryphonis cuiusdam de hac stirpe, de anno Domini MCCCXLVIII. & Vichardi, de anno MCCC LII. tumuli uisuntur. Leguntur ibidem & Elizabethæ & Catherinæ, coniugum Vuichardi, & Ioannis filij, & Annæ natæ, nomina adscripta. Otto postea huius prosapiæ, cognominatus à Pursendorf, ex Khunigunde uxore duos filios tulit, Ioannē & Vdalricum: & totidem natas, Gertrudim & Agnetem: qui circa annum Domini MCCLXX. in uiuis adhuc fuerunt.

VON NEVBURG, nescio an à Neuburga Austriæ, uel Æni, Danubij uel, hi nomenclaturã traxerint, quorũ domus quæ hodie est senatoria, & castrum erat, ditioq; quam nostra ætate Dominij Maur uocamus, duobus à Vienna milliarijs separatam, et uini prouentu opulentam. In qua prosapia Otto quispiam floruit, anno Salutis

MCCLXXXII.

MCCLXXXII, qui parochiam in Siechen Als, & sacellum in castro Maur construxit. Is ex Mechtilde uxore Ottonem, Herrandum, & Haymonem progeniuit. quorum Haymo coelibe uita ductus, militem Hierosolymitanum egit Viennæ: Otto uerò ob res præclare in bello pro patria gestas, cingulo militari donatus ab imperatore Alberto primo, ex coniuge Gertrude Praytenfelderinn duas tantum filias suscepit, Guetam & Margaretam. Itaq; cum uirili successione careret, animum ad pietatis studia adiecit: & diuisis suis diuæ Virgini sacellum magni operis coniunxit, quod postea Saluatori consecratum, ab authoribus Ottonis & Haymonis templū dici coeptum est. Aedes quoq; suas, in quibus senatus conuenire solebat, tanquam primarij ciuis, post obitum Urbano consilio dedicauit, in quibus in hanc usq; diem Senatus datur.

TIRNA, à Tirnauia'ne Hungariæ municipio, Morauia' proximo: uel prædio Austria' Garfio proximo, nomine item Tirna, nomen traxerit, dubium. quorum gentilicia arma, lunarem orbem album, in clypeo atro ac rubro coloribus distincto, præferebant: & quorum præterea obsequio loca leguntur Austria' imbuta fuisse, Valkhestayn, Siedendorf, & Manesdorf. In hac stirpe Vdalricus, cum Berchta coniuge, & sororibus Adelhaide ac Elisabeta, diuī Stephani templo parochiali, magni & admirandi operis sacellū adiecit, anno Salutis nostræ 1326. quod adhuc hodie uisitur hoc nomine. Quē sequuti, Ioannes, prætorem Viennensem egit circa annum Salutis 1346. & Fridericus quispiam à Tirna, ex Margareta coniuge Mechtildem filiam legitur tulisse, circa annum Verbi incarnati 1354. Hos sequuti sunt Rudolphus, Lupoldus, Georgius, & Cunradus: quorum Rudolphi filiam Annam Vualtherus Marefcalcus à Reichenau uxorem duxit, quo ex matrimonio Ioachimus Marefcalcus procedit, qui adhuc in uiuis est, Bernhardo auo & Eberhardo patre mediantibus. Vnde deficientis Tirnensium nobilium stirpis arma gentilicia, huic sunt uiro partim ob affinitatem, partim ob merita, à Ferdinando rege nostra memoria collata. Postremus huius familia' nobiliū & ciuū à Tirna, Cunradus nomine, canonicum Patauiensem egit, circa annum Domini 1492.

SPIILBERG, in qua profapia unum reperimus Hugonem, qui ex ciue Principis palatij magister effectus est, anno Domini 1344.

VUULFLENSDORFER, cuius familia' Otto consulem Viennensem egit, anno Domini 1319. à quo multis intercidentibus temporum iniuria, tandem sub Friderico quarto Cæsare, circa annum Salutis 1480. Georgius & Vuolfgangus, in bello contra Mathiā Hungariæ regem gestum claruere. quorum alter præsidio Nouæ ciuitati à Cæsare Friderico impositus erat, alter pedestri exercitui præfectus.

VUULTZENDORFER, in qua familia Vuilhelmū reperimus,
anno

anno MCCCXCIII. & Vuolfgangum, anno MCCCCXXXV.

DOSSEN, cuius familiae, anno Verbi incarnati MCCCXL. Zacharias legitur, Bernardi Drugfals à Gotzelsdorf, nobilissimae & antiquissimae stirpis prouinciae Austriae reguli, filiam in matrimonio habuisse. Cuius nimirum filij Philippus & Ekhardus, castellani castri Calenberg, in coenobio Augustinianorum sepulti cernuntur, de anno Domini MCCCCXLVI. Vltimus prosapie sue Albinus, Ceciliam quandam à Stykhlberg in matrimonio habuisse reperitur.

EDLPARTZ, cuius familiae Petrus quispiam filiam Annam, Henrico Haiden equiti aurato uxorem coniunxit, anno Domini MCCCXC. quo nomine Nicolaum praeterea inuenimus quendam Viennae senatorem egisse, anno Salutis nostrae MCCCCXVI.

VUVRFL, qui in armis gentilicij rubris albam tesseram gerebant, incolentes domum illam, ubi hodie Praepositura est, è regione curiae urbanae. contingebant & hi obsequio castrum Hakhinz cuius stirpis quidam Schutuurfel, Friderico penultimo Austriae duci Babenbergensis prosapie, centum marchas argenti dono dedit, circa annum Salutis nostrae MCCXX. Quem multorum annorum interuallo sequuti sunt, Michael, anno 1340. Paulus praetorem Viennensem egit, anno 1392. Henricus, Nicolaus, Ioannes, & in uiuis adhuc erant anno 1400. Gessit & Paulus consulatum anno 1405. Vnde Ioannes procreatus est, in Minorum coenobio sepultus. Postremos familiae reperimus, Vdalricum, Sigismundum, Albertum, & Paulum, anno Verbi incarnati floruisse 1434. omnes senatorij ordinis. Quorum Vdalricum Paulus filio tutorem dedit: ad Augustinianos sepultus.

VIRDVNG, quam prosapiam Arbaistall & Schorndorf pagos possedisse inuenimus, in Hungariae limitibus sitos. In qua Cunradus quispiam circa annum Domini MCCXX. Friderico penultimo Austriae duci Babenbergensis prosapie, sexaginta legitur marchas argenti donasse. Quem multorum annorum intercapedine intercedente, sequuti sunt: Ekhebertus, qui uixit circa annum Salutis 1340. Michael, praetor Viennensis anno 1368. Ortolphus, item praetor Viennensis anno 1383. qui adhuc in humanis erat anno 1400.

FLEMING, cuius prosapie Dietuwinus & Vuigmannus praefectos militum Viennae egerunt, anno Salutis MCL. Postea multis intercidētibus annis, Georgius senatus Viennensis praefectum egit, quem Anuualdum hodie uocamus.

ANGERVELDER, quorum familia praedium habuit Viennae proximū, quod adhuc hodie hoc nomine manet. In qua Petrum reperimus senatorem & pontificem, anno Domini 1396. Rudolphum consulem 1404. Petrum quoque praetorem Viennensem, eo

dem anno. Ceteri in senatum electi erant: Nicolaus, 1497. Petrus, 1410. Ioānes, 1426. qui obiit anno Domini 1480. cuius fratruelis Felix familiam clausit.

PRAYTNFELDER, de qua stirpe unicum reperi Cunradum, cuius filiam Gertrudim, Otto à Neuburgaeques auratus coniugē accepit, anno 1300. habebat aedes in littore haud procul à curia Patauiēsi, ut ego existimo, Pfaues im himel hodie dictas, magnificè extructas.

STRASSER, quæ familia duos baculos peregrinorum diui Iacobi, aureos in nigro clypeo, arma gentilia habebat, in fenestris diui Stephani aedis depicta. Possidebantq; aedes istas, quæ hodie Gundlahof dicuntur, ubi diuæ Thomæ apostolo sacellum posuerunt, multis donatiuis locupletatum. In qua stirpe animaduerti Ioannem floruisse, anno 1400. Petrum urbis fisco præfectū, anno 1436. Christianum & Nicolaum, anno 1436. Vltimus Engelhardus, Laurentij Haiden filiam coniugē accepit, anno Domini 1480.

VANAVER, cuius stirpis Cunradus in Charinthiorum uico legitur habitasse, anno 1400. Nicolaus, forsan Cunradi filius, anno 1430. senatorij ordinis ac equestris, ab Alberto quinto Austrig duce ad Sigismundum Cæsarem Romam orator est missus, ubi militari cingulo donatus à Cæsare, in reditu diem suum obiit.

VVIRSING, cuius familiae Stephanus cingulo militari à duce Alberto donatus, secundæ sententiæ locum ante prætorē, Hilteprandum à Morauia, in senatu, ob nobilitatis prærogatiuam obtinuit, anno 1417. Idem prætorem egit anno 1430.

DASCHLER, cuius stirpis Peregrinus ciuem Viennæ egit, anno 1396. Nicolaus postea, cum diu senatorem egisset, ac templo diui Stephani præfuisset, item prætura urbana functus anno 1443. à Friderico Cæsare nobilitatis ornamentis donatus, in senatu præfectum egit ad postremum, sub annum Incarnationis Dominicæ 1485.

PELLNDORFER, in qua prosapia unicum potui Ottonem nomine reperire, senatorem Viennensem, & equitem auratum, sub Friderico tertio Cæsare.

GRIESSMPOECK, cuius familiae Vdalricus v. i. Licenciatus, scrinijs urbis Viennensis præfuit, circa annum Domini 1467. quem Vitus artium liberalium doctor in officio sequutus est, & filiorum alter Casparus medicus Barbaram à Zinzendorf in matrimonio habuit. Obiit anno 1475. cuius epitaphium in diui Stephani templo hoc legitur:

Hippocratis normas, & sensa profunda Galeni,
Et quæ Romani, & quæ docuere Arabes,

Novi:

Noui: & grata fuit, sed & utilis, ars mea multis:

Hoc non artis erat, uincere posse necem.

PEMPFLINGER, cuius profapiae aedes haud procul à nostris in foro Pini extant, ruinosae admodum, & ut communis fama tenet, quondam Urbis castrum. In qua stirpe Christophorum inuenimus praetorem Viennae extitisse, anno Domini 1486. quo tempore Vienna à Mathia Hungariae rege expugnata fuit. Is cum Mathiae regi ac Stephani comiti Cepusienfi familiaris esset, in Hungariam lares transtulit, & partim quaestu, partim matrimonio familiam ad eos processus euegit, in quibus eam nostra aetas uidebat, Marcum uidelicet & Stephanum, utrosque Baronum titulo insignitos. Quorum Marcus fisco Hungariae praefectum egit.

ZINCK, cuius familiae Ioannes urbis praefectum egit, quem Anwaldum dicimus, anno 1416. Nicolaus postea hoc nomine, senatorem egit.

HAIZZN, quo nomine Bernhardum reperi castellanum extitisse in Medlico, anno 1311. ad Minores sepultum. Vuernherus & Fridericus ciues Viennenses, anno 1323. itidem in Minorum coenobio conditi.

MVLHAUSER, quam familiam aedes paternas incoluisse constat, post Georgium. In qua Ioannem reperi, anno Domini 1480. cuius filia, utpote nobilis genere, cum nupsisset cuidam Enzesdorfer, magno loco in Austria equiti, uidua postea multa sacris, cum esset uitam cum morte commutatura, legauit. Aedes postea quae amplissimae fuerant, ab exequutoribus diuisae sunt, & maior pars parenti nostro Simoni Lazio medicinae doctori, Ioanni Capnioni, ac Cunrado Celti Protucio amicissimo, uenditae sunt.

FALCKASTAINER, quo nomine Vdalricum reperimus, anno Domini 1340. & Philippum, de anno 1336.

VELDSPERGER, Ioannes, anno 1404.

RAMPESDORFER, Vilhelmus & Cunradus: quorum Cunradus capite caesus, 1400.

RASTEMBERGER, Iodocus, 1406.

STRAER, cuius familiae Erhardum inuenimus, anno Domini 1340. extant adhuc aedes hoc nomine in foro diui Petri, quas Citter legitur possedisse, à quo agnationis iure ad Ioannem Schallautzer proauum maternum peruenere.

CITTER, possedere praedium Aunhof, haud procul à sancti Viti pago, & haereditatem Straer adiere, cuius familiae Albertus, cingulo militari donatus, praetorem Viennensem egit triennio. Is Hiltebrandi à Merania filiam duxit; quae cum sine prole obiret, Ioannes Schallautzer proauus maternus, qui sororem eius in matrimonio habuit, haereditatem adiit.

GEIMAN, huius familiae Nicolaus floruit Viennae, anno 1436.

Superioribus annis Ioannem Geyman, magistrū generalem ordinis sancti Georgij à Friderico Cæsare instituti uidimus, cui Vuolfgangus Prandner in officio successerat.

TROY, cuius prosapiæ Nicolaus in humanis erat anno 1480. & Vuolfgangum ipsi uidimus aliquoties functum consulatu, & anno postea 1538. præfectum urbis Viennensis, obiit sine successione, 1540.

CAPVT III. DE PROSAPIIS

Viennensis urbis senatorij ordinis, quæ item interciderunt.



ADEM temporum iniuria officiebat & cæteris familijs, quæ opibus uetustis ac claritudine generis præcelebant: sed in ueteri dignitate fortunæq; nati, consulari senatorioq; nomine contenti, famæ haudquaquam indulgebant. Harum multas senescentes, cum substituere fecunditas prolis non posset, in domibus suis successores quæsiuisse constat: quarum catalogus is est.

GHRICNEN, qui diuisum clypeum album, in cuius superiori parte sex nigri quadranguli, & totidem albi inuicem incumbentes, ac alternis uicibus seiuncti erant, generis sui ornamenta habebant. qui an è Græcia in Austriam emigrarint, fortè à ducibus ex Cōstantinopoli, aut Asia eò translati, haud equidem ausim affirmare. In qua Rudigerum inuenimus, & Meginhardū, anno Salutis nostræ 1158. Quos aliquot annorum interuallis sequuti sunt, Nicolaus & Steghardus, anno 1300. Vltimos, Henricum & Sigladum, denominatos Griechn de Als, obseruauimus.

ESELARN, quæ familia octo triangulos nigros, & totidem albos occurrentes, & se mutuò comprehendentes per transuersum albi clypei, gentilicia insignia usurpabat. Cuius alumni fuere, Cunradus & Vdalricus, anno Salutis 1288. Nicolaus, anno 1300. Iacobus & Cunradus prætores Viennenses, annis Domini 1347. 1348. Henricus prætor item Viennensis, anno 1350. Cunradus consul Viennensis, anno 1377. Otto, qui eiusdem familiæ per id tempus ex Gerburgi coniuge, Nicolaum, Ioannem, & Vdalricum tulit, senatores Viennenses: & filias duas, Catherinam Christophoro cuidam militi, & Gerburgim cuidam Finfkhircher nuptas. Anno postea labente à nato Christo 1400. Stephanum, Nicolaum, & Hermannum, hoc nomine inuenimus, senatores Viennenses: & Stephanum ad hæc prætorem, anno 1415. Ferunt postremam huius nominis paulo ante nostram memoriam cuidam Franconi nupsisse, & domum habuisse angularem in foro rusticorum, quam modò Schobrij tenent.

BALTRAMEN, cuius familiae Rudigerus consulem Viennae egit, anno Domini 1283. quo tempore Rudolphus Caesar Viennam deditam accepit, à quo tempore duos tantum hoc nomine obseruauimus, Peregrinum & Cunradum, de anno 1339.

POLLN, in qua familia haec nomina reperimus: Christophorus consul Viennensis, anno 1280. Cunradus, consul anno 1300. Nicolaus, consul 1360. Ioannes Iacobus, parochus ad Saluatorem 1340. Leonhardus & Nicolaus, anno 1370. Stephanus, consul 1400. Ioannes & Petrus, 1426. Postremi huius stirpis, Leonhardus & Balthasar, sub Alberto quinto floruerunt, anno 1430. à quibus multa sacra in diui Stephani aede constituta leguntur.

LEVBL, in qua Fridericum inuenimus, 1289. praefecti bracteariorum magistratum consulari Viennae iunxisse. Quem sequutus Otto hoc cognomento, anno Domini 1310. uineam in pago Grinzing Vdalrico preposito sancti Nicolai prope Batauiam uenididisse reperitur.

VRBETZ, quae familia in armis gentilicij tria piri folia alba, in rubro clypeo distincta gerebat. Cuius hi sunt à nobis reperti alumni: Theodericus, praetor Viennensis anno 1333. Cunradus, item praetor anno 1352. Theodericus secundus, senator Viennensis anno 1366.

SCHVOCHLER, cuius familiae alumnos reperimus, Haynoldum, praetorem Viennensem 1342. Lupoldum, senatorem Viennensem 1349. Michaelem, praetorem 1355. Georgium, praetorem 1446. Haynoldum, senatorem 1416, & postremos, Cunradum & Ioannem, anno 1460.

CRONVEST, cuius prosapiae Henricus, consulem Viennensem egit anno Salutis 1300. Bernhardus, praefectum monetae, anno 1332. Henricus, consul item Viennae 1367. Iacobus, anno 1400, cum uxore Margareta in Minorum coenobio terrae traditus. Ferunt hanc prosapiam proximas nostris aedes incoluisse, ubi hodie est hospitium Trinitatis, quod ante nostram memoriam Schiemer & Mansdorfer possederunt.

VORSPRECH, aduocati latine, in qua stirpe Sibotum quendam animaduerti, ciuem Viennae fuisse, 1250. & Maynhardum, anno 1313.

GEIKRAMER, cuius stirpis Michael, monetae siue bracteariorum praefectum egit anno Domini 1378. Cui filius in officio successit, nomine Nicolaus, anno 1408. Hieronymus postremus, Viennae senatorem egit, 1420.

VUAGSGIESSER, in qua stirpe senatores egerunt, Martinus, anno Salutis 1396. Ioannes, 1400. Hieronymus & Vdalricus, anno 1430. Stephanus postremus, circa annum Domini 1440. in humanis adhuc erat.

PFEYLŠCHNIZER, quo nomine hos reperi: Nicolaum, anno 1396. Mandelium, Menhardum, & Nicolaum, senatorij ordinis, anno 1400. Augustinum, Vuolfhardum, & Cunradum, circa annum postea 1440.

VORLAVFF, quo nomine duos Cunradi nomina præferentes collegimus: quorum unus, anno 1390, alter à Lupoldo duce Austriae, anno 1408, capitis supplicio cum Ioanne Rokh, & Cunrado Rampesdorfer, affectus erat Viennæ.

POETL, quæ familia opum cumulo celebrabatur, cuius alumni erant, Lupoldus, anno 1313. Simon, sepultus in Augustinianorum cœnobio, anno 1344. Nicolaus, 1400. Pacolus, 1419. & Hermanus præfectus xenodochij Viennensis, anno Christi 1430.

ROCK, quo nomine deprehendimus Ioannem circa annum Salutis floruisse 1390. Cunradum, 1400. Ioannē capite cæsum à Lupoldo duce Austriae, anno 1408. Cuius Viennæ in tēplo diui Stephani cum complicibus eodem supplicio affectis, epitaphium cernitur in aurichalco, quod incipit, Sta fle plange. Vltimus huius profapia, Marcus, Viennæ legitur adhuc ciuem egisse anno 1431. Ab his Rokhnerorum forte profapia descendit, ultima syllaba adiecta ab Austriae principibus, ne unius culpa familiae notam iniustam posteris cernerent, quo nomine Ioannes quispiam, Paulum ludimagistrum Viennensem, & postea decanū cathedralis ecclesiae diui Stephani à Maximiliano creatum, & Vincentium tulerat: quem uidimus Austriae scrinijs præfuisse, quem nostri scribam prouincialem appellant. Cuius adhuc filij, Ioannes & Hieronymus, in humanis sunt.

DORTZ, cuius familiae Stephanus, in paternarum ædium sacello sacrum constituit, floruit anno Christi 1326.

NEPPINGER, Hardindum reperimus, anno Christi 1288.

AM VISCHMARCH, HOLTZMARCHK, KHVENMARCK, HARMARKH: ita olim ciues à foris publicis nomina usurpabant, quorum primi nominis in uetustis priuilegijs, Ottonem & Sibotem inuenimus, de anno 1250. Secundi nominis porrò, Rudigerum, anno 1282. Tertij, Ottonem, anno 1250. & Ioannem prætorem Viennensem, 1359. Quarti denicq̃, Henricum prætorem Viennensem, anno 1289.

OB DER SAVLN, cuius profapie Herbodum quendam deprehendimus, cum Heduuige coniuge, anno 1353. Leopoldum præterea cum Gisela uxore, & Heruardum, anno 1420.

VNDER DEM HIMEL, in qua profapia Cūradus floruit, anno Christi 1404. Nicolaus, 1424. consul bracteariorū præfectus, & author contubernij Rosarum, cuius filius Caspari nomē habebat.

GVNDLACH, quo nomine stirpeq̃ Vdalricus senatorē primo, deinde monetæ præfectum & consulem egit, anno Domini 1416.

Cuius

Cuius filius Marcus, anno 1428. ultimum huius profapie progenit Georgium: cuius filiam Iulianā, hodie Vuolfgangus Lyndner ciuis & mercator Viennensis uxorem habet. Georgius uerò obiit anno 1505. Horum, Colonienſium ampliffimæ ædes fuerant, ubi diuis Philippo & Iacobo facellum poſuere. Emerunt & hi poſtea Straſſer nobilium ædes, quæ adhuc hodie nomen retinent Gundlaci, quanquam mutato dominio.

QVAMHARTL, quo nomine Fridericum reperi, anno 1337.

POIGSER, Vdalricus uixit anno 1350.

VVAIDSCHLAG, in qua Gotofridum reperi, anno Salutis 1357.

HERVVARD, cuius ſtirpis Iacobum obſeruauimus, anno Domini 1311. Vdalricum, ſcrinijs urbis præfectum, quem ſcribam uocant, anno Domini 1396. Michaelē, 1400. & Leonhardū, 1475. Hæc hodie profapia in Sueuia ſupereſt, unde magni nominis mercatores prodierunt.

AMAN, quo nomine Nicolaus, ſenatorem Vuiennensem egit 1407. Petrus, anno claruit 1410. Simon, 1436. & Sigismundus, anno 1480. Noſtra memoria Petrum Aman nouimus, Viſſche gradienſi caſtro præfectum in Hungaria, qui cum multo tempore undique hoſtibus conſuſus oppugnationem ſuſtinuiſſet, ad poſtremum uiribus concidens, cum nullas ſuppetias haberet, & caſtrum ſimul & uitam amiſit: uir mehercule, qui meliori fuiſſet fortuna dignus.

PREYS, in qua profapia Theodericus claruit, anno 1396. Nicolaus & Ioannes, 1406. Georgius & Stephanus, 1436.

PIRCHFELDER, quo nomine Vdalricus & Hermannus claruere, anno 1406. quorum Hermannus in ſenatum lectus eſt, anno 1436.

KVRRINGER, Andreas floruit anno Chriſti 1400. Ioannes, 1404. Nicolaus & Andreas, 1420.

DVRRINGER, cuius ſtirpis inuenimus Rudigerum, de anno Domini 1312. & Thomam, 1436.

PALTINGER, cuius alumni, Petrus anno 1420. Martinus, anno 1460. multa in parochiali diui Michaelis templo poſuit.

HIRSAVER, Vuolfgangum reperi, de anno Domini 1420. Vdalricum, ſcriniorum urbis magiſtrum, anno 1436.

MANESDORFER, Ioannes & Petrus uixere anno 1420. Chriſtianus 1437. & Michael, de anno 1436. Contiguæ noſtris ædes ad diuam Trinitatem dictæ, horum erant.

SCHIEMER, Philippum & Ioannem reperiimus, de anno 1480. Ultimus ſuæ familiæ paulo ante memoriam noſtram ſua decoxit.

PERMAN, Vdalricus præfectus ſiſci erat, anno 1420. & alter filius eodem nomine, ſenatorijs ordinis, diuitijs & mercatura nomina

nominatissimus, ædes habebat splendidas in uico textorum, quas hodie Rokhnerij possidēt: in cuius insignibus, ursus pictus uisitur.

SYES, in insignibus habebat hæc stirps

Quæ ædes possedit in foro diui Petri, quas postea Ioannes Schallautzer proauus maternus emit, in quibus etiamdum hodie familia eius perseuerat. In qua familia Erhardus uixit, anno Domini 1480. Fuere etiam aliæ Viennæ hoc nomine profapiæ, quæ eò postea commigrarunt, unde Ioannem nos consulem uidimus.

HEYTL, quo nomine Michael Viennæ ciuem egit, anno 1470. Erasmus & Paulus, 1484. Postremum Vuolfgangum artium doctorem uidimus, & Senatorem Viennensem.

GRVENVALD, huius profapiæ Cūradus, floruit anno 1401, & Vitus, Benignam Laurētij Hayden filiam coniugē duxit, 1480.

LEITNER, cuius stirpis Stephanus senator erat, anno 1400. Martinus & Vuolfgangus, anno floruerunt 1417.

SCHATAVER, cuius profapiæ Erhardus, anno 1436. ciuem Viennensem egit, quem sequutus est Vitus, mercatorum prætor, quem Handgrauium Austriaci uocant.

HOLTZLER, quo nomine Holtzler prætor & consularis, monasterij diui Hieronymi (in quo pœnitentes foeminae recipiuntur) author, 1416.

SCHEDNITZER, quo nomine Henricum reperi, de anno Domini 1350.

LIEBHART, cuius familiae Ioannes, anno uixit 1396.

ZIRNAST, cuius profapiæ Ioannes, præfectum xenodochij egerat, anno 1419.

VOM KAMP, cuius profapiæ Ioānes & Simon in humanis erāt, anno 1406. An inde Gampij prodierint, nō sanè ausim affirmare. Quo nomine Victor, i. v. doctor, ac Ferdinandi regis consiliarius, Austriaeque prouinciarum fisci aduocatus, obiit anno Salutis 1535. Filij patris uestigia sequuti, Hieronymus ad magnam eruditionem expectatus, fatorū iniquitate intempestiuè abreptus est, cum nondum uigesimum attigisset annum; Matthæus adhuc in uiuis est, Iureconsultus.

IM NEST, quo nomine Henricus, uixit 1406.

KESSLAR, quo nomine Cunradus & Henricus floruerunt, anno 1347.

QVAMBL, cuius familiae Thomas, xenodochio publico præfuit, anno 1367.

KRONPERGER, quo nomine Sifridus, in humanis erat 1431. & Georgius Anuualdus Viennensis, 1482.

NEVVHOVER, qua stirpe Leonhardus prætorem egit, anno 1436. & Georgius consularis, 1436.

GREIFNAVER.

GREIFNAVER, Ortolphus, anno 1404. ciuem Viennensem egit.

CAPVT IIII. DE FAMILIIS EQVE-

*stris ordinis uetustioribus, quæ in hanc usque diem
Viennæ perseuerant.*



Quæ familiæ equestris ordinis, & quæ senatorij interciderint, superioribus à me est Capitibus dictum. Nunc ad has orationem meam conuertam, quæ in equitum ordine, temporis quadam felicitate, longa annorum serie transmissa, ad nostram usq; memoriam peruenere, studijs honestis & nostro seculo nõ minus quàm generis claritudine, & in principes suos pietate celebres. Quarum catalogus is est.

HAI DEN, cuius familiæ ædes è regione senatoriæ domus Præposituræq; Viennensis Nouæ hoc nomine supersunt. In qua Henricus quispiam eques auratus floruit anno Domini 1330. qui ex Anna coniuge Laurentium tulit, consulem Viennensem, qui cum anno obiisset 1475. nouem post se filias reliquit, & unicum filium Henricum. Filiarũ Clara Eberhardo marescalco à Reichenau, Apollonia Engelhardo Strasser, Genouepha Huntzhaubt nobili, Magdalena Venceslao Haubitz, Lucretia Georgio Schuueynachs, Barbara Bernhardo Sechlin, Anna Ioãni Guuyngnberger, Benigna Vito Gruenuuald ciui Viennēsi, & Margareta Vdalrico Vloyten, nuptæ fuere. Ipse Henricus l. v. Doctor, & Maximiliano Cæsari à consilijs, ex Barbara Rofs Itala Maximilianum, Laurentium, & Carolum tulit, qui solus adhuc in uiuis est.

FLVSHARD, quæ familia è Vienna in Austriam superiorem transgressa est, ubi adhuc hodie nobiliorũ subsellia retinet. In qua reperimus Theodericum prætorem Viennensem, 1345. Nicolaũ senatorem Viennensem, anno 1405. & Theodericum ad Augustinianos sepultum, anno 1446.

FVNFKIRCHER, superest & hæc in Austria prosapia, sed extra Viennam, opum cumulo celeberrima: & ad cuius pertinēt obsequium, Falkhnstayn & Gutenbrun castra. In qua Vdalricum inuenimus ciuem Viennensem, anno 1300.

KVOFSTAINER, & hæc stirps hodie extra Viennam superest, & obsequio castrum Grellnstayn contingit, In tractu Austriæ Peugreych dicto. In qua Cunradum inuenimus, scriniorum urbis Viennensis præfectum, quem Scribam dicunt, anno Christi 1416.

T

FALKN'

FALKNSTAINER, In qua Vdalricum inuenimus, anno 1340,
& Philippum, anno 1336.

IORGER, hæc in Austria superiori familia manet, & castra possidet Dolet, Afferfam, &c. orta est autem à quodam ciue Viennensi Georgio Gorgersenatore: cuius nostræ erant ædes, ut insignia, pictura, & diplomata ostendunt.

HAIPERGER, quam familiam Viennam commigrasse ex Hall Tyrolis oppido comperimus, emptorq; aurei cerui hospitio, pietatis studijs ad magna paulatim incrementa peruenit. In armis gentilicis duos albos scopulos intra sepem cōclusos habet. In qua Conradus, uixit anno 1241. Vdalricus, anno 1336. Ioannes & Petrus, 1452. quorum Ioannes Casparum procreauit, Balthasarē & Menhardum: Petrus uerò Paulum tulit: qui Mathæum, Ioannem, et Petrum progenuit. Ex quorum Ioanne Georgius, ex Petro Achatius & Mathæus & Lucas prodire. Mathæus successionem generis tenuit, duabus ductis Viennæ uxoribus, Kislingia, & quadã ex Monaco Bauariæ metropoli adscita, nomine Anna Schreiberin. Qui cum pietatis studijs celeberrimus Viennæ fuisset, multis in diuorū tēplis & sacris ceremonijs renouatis, ac institutis, quatuor filias et unicū filiū post se orbi reliquit. quarū Martha, Marco Boekh à Leopoldsdorf, I. V. doctōri, & postea Austriæ supremo Epistolarū magistro nupsit: unde Hieronymus à Leopoldsdorf prodiit, adolescens ad summā uirtutē expectatus. qui dum hæc scriberemus, in Italia ingenij cultū capit: matre extincta, ceterę, Anna hodie et Catharina ciuibus Viennensib. iūctæ sunt, Enzianero & Vladislao Prokh. si lius solus superstes in genere suo, nomine Lupoldus, Ferdinando Cæsari à cubiculis, ingētē ac admirādū uetustatis thesaurū collegit, consulum Rom. Imperatorū, ceterorumq; uetustiorū principum numismatis magno labore cōquisitis, & à nobis in ordinē digestis.

DENCK, unde hæc familia Viennam commigrarit, quæ in magno usu principum Austriæ postea erat, & ad postremum, ad equitū subsellia uocata fuit, ignoro: nisi quod in peruetustis annalibus adscriptum legerim nomen Ioannis Denkh à Veldsperg, qui locus Austriæ ulterioris est mœnibus circumdatus, & sub dominorum à Liechtenstain obsequio. Arma horū gētilicia erant niger triangulus in aureo clypeo, cui Ferdinandus rex aquilam candidā coronatam adiecit. In qua profapia Ioannē reperimus, anno Salutis 1336. in numero ciuū Viennensiu: Nicolaum postea, & Cirnum, 1436. Thomā prætorē Viennensem, anno Salutis 1473. Quem sequutus Bernhardinus, anno primū obiit à Christo nato 1522. octuagenarius. Cuius filij, Stephanus, quinquennio consulē agit, ad Ferdinandi præterea Cæsaris cōsilia adscitus: Bartholomeus, et Martinus.

SCHALLAVTZER, quam stirpem ex Styria Viennam commigrasse reperi, authore quodam Ioanne, qui circa annum Domini

1400. Viennæ ædes comparauit, castro proximas, quæ hodie Hauferinæ nuncupantur. Cuius filius eodem nomine aulicus Friderici Cæsaris, cui à secretis erat, circa annum Salutis 1450. Andrea Hiltebrādi à Merania, prætoris Viennēsis & diuitis mercatoris filiam duxit uxorem, Cæsare intercedente: & nouas coëmit ædes, diui Petri uetustissimo templo proximas, in quibus olim familia quædam Sies habitabat. Huius postea filius Bartholomæus, Friderico item Cæsari à cubiculis, & aulicus, eiusdem intercessione diuitem quandam uiduam Khirchstaynerin sibi in uite consortiū adsciuit: ex qua duas progeniuit filias, Agnetē, & Otiliam, genitricē nostram obseruandam. qua postea extincta, Catherinā cuiusdā mercatoris Copp filiā secundis nuptijs duxit. Quo ex matrimonio Hermes prodijt, Catherina, & Apollonia. quorū Hermes solus in humanis est, cōsularis uir & Ferdinandi Cæsaris à frumēti procuratione. Cuius filij, Carolus, Hermes, Ioānes: ceteri obiire. Hi in armis gētilicijs atrū gallū expāsis pedib. & alis, aquilæ simillimū, in aureo clypeo gerūt.

PACHELEB, unde hæc Viennam familia cōmigrarit, incertum: in qua Clementem reperimus, præsidio Nouæ ciuitati à Friderico tertio Cæsare impositū, cum quinq; equitū comitiua, eamq; urbem à Mathia Coruino Hungariæ rege obsessam, auxilijs accedentibus Georgij Vuulfensdorfer, Gangolphi à Khuenberg, Bernhardi à Vuesternach, & Hugonis à Grauenekh, fortiter tutatum fuisse. Huius postea filius Andreas senatorem Vuiennensem & prætorē egit: qui Ioannem nobis Baptistam, Ferdinando Cæsari à consilijs, & Fiscipatrociniō, iurisconsultissimum uirum, reliquit. Arma horum gentilia, canis collo cignum apprehendens.

EDLASPERGER, in armis gentilijs gryphonē & tres ex monticulo flāmas ferunt, ut audio, ex Austria superiori Vuiennā transgressi. In qua Petrus magna comparata in Hungaria re, magnificas Viennæ ædes construxit, ditatusq; matrimonio opulento, Ladislaum filium procreauit: qui & ipse matrimonio auctus, ob res bene administratas, à Maximiliano Cæsare cingulo militari donatus, à Carolo postea & Ferdinando Cæsaribus ad cōsilia adscitus, & prætura Viennensi aliquoties functus, filios post se orbi reliquit Christophorum & Vuolfgangum: qui nobilissimi & iureconsultissimi uiri, Georgij Gienger Sueuiæ præfecti, & Ferdinando Cæsari ab intimis consilijs, sororem in matrimonio habet.

PERNFVES, è rure Viennam transgressa profapia ista, quodam Sigismundo Pernfues creuit, qui prætorē Viennensem egit circa annum Domini 1503. In armis gentilijs syluestre uirum, pernam urfi humero gestantem, ferens. Filios post se orbi reliquit, Lupoldum, Ioannem, Sebastianum, & Paulum. quorum Lupoldus iureconsultus, Prouinciæ postea scrinijs præfuit: Paulus uerò, prætura & consulatu functus, nobilitatis postremò prærogatiuam à Ferdi-

nādo Cēsare cōsequutus est. Cuius filius eodē nomine adhuc uiuit, ex amita nostra, hoc est matris sorore procreatus, unā cū sororibus suis, Margareta & Catherina, quę ciuibus Viennensib. nuptę sunt.

SCHVVARTZ, in insignibus Aethiopsis caput gerunt. Quo nomine Hermannum inuenimus, anno Salutis nostrę 1410. Philippus postea, Stephanum orbi post se reliquit, i. v. doctorem, & prouinciarum Austriae à consilijs.

CAPVT V. DE FAMILIIS SENATO-

rij ordinis, quę ad nostram ætatem, ex uetustioribus mansere.



Anferunt ad nostram quoq; memoriam, perpetua successione felices, & alię quędam familię senatorij ordinis, quę ad equitum subsellia uel non aspirarunt, uel nō dum uocati sunt: in Reipublicę tamen administratione cum fide uersatę, posteritatis memoria haud indignę sunt. quarum catalogus is est:

KOECK, quam familiam ex Als noto pago Viennam lares trāsposuisse reperio. Quorum Henricus Khœkh ex Als, floruit Viennę anno 1399. Paulus, 1480. consulatu non semel perfunctus: cuius filij, Martinus senator, Stephanus i. v. doctor, & Magister scriniorum urbis, quem Scribam uocāt. & Dionysius, qui solus superstes, multis iam annis in senatu agit, præfecti senatus officio. aliquoties, & Magistri xenodochij perfunctus.

OEN, ædes primas habuere huius familię alumni in uico Landstrafs, extra urbem in suburbio. In quibus floruere, Nicolaus anno 1396. Ioannes & Vdalricus, 1404. Stephanus postea consulatum gessit, quo tempore Vienna à Mathia rege Hungarorum expugnata fuit. Huius filij, Ioannes, Christianus, Nicolaus, & Lupoldus, qui omnes rebus humanis exempti, post se filios reliquerunt: Lupoldus, liberalium artium baccalaureum: Christianus Iacobum, qui in aula Ferdinandi regis nostra memoria Magistrum admissionum agit.

HVOTSTOKER, quam profapiam ex Bauaria Viennam profectam ferunt. Vbi haud procul à Scherdinga in hanc usq; diem hoc nomine prædiū extat. Quantum uero memoria repetere licuit, huius stirpis primos Cunradum & Andream reperimus. quorum Andreas cum Capistrano, oppugnationi & obsidioni Albę Græcæ interfuit, cum ab Amuratho Turcarum tyranno tentaretur. Idem nomen dederat expeditioni totius Europę, quę suscepta erat cōtra Turcas anno Domini 1453. Ab hoc Andrea, Ioannes genitus est, qui ante nostrā memoriā Vuolfgangū et Sebastianum procreauit, utrunq; nostra memoria senatorē. quorū Sebastianus solus superstes, à S. P. Q. Viennensi filco urbano præfectus est.

KISLING,

KISLING, ex Erdpurgo proximo pago ad primum lapidem, Viennam commigrauit hæc stirps: in qua Henricus floruit, anno à nato Christo 1420. Cuius filius Hieronymus, orbi post se Stephanum reliquit, senatorem Viennensem. Cuius filij, Vuolfgangus & Bartholomæus: hodie Bartholomæus solus superstes est.

POESST, cuius familiæ Vuolfgangus, ad Fridericum tertium Cæsarem Viennæ in castro obsessum, à senatu Viennensi legatus missus est: post quem Erasmus, uectigalibus ex bouum mercatu, itemq; mercatorum tribunali præfuit: quod officium Austriaci Handgrammatum appellât. Ex hoc Vuolfgāgus natus est, quē ipsi cognouimus, insignem pugilem. Is Thomam progenuit, agnatum nostrum, & Austriæ archiducatus scriniorum notarium.

SEYBERLICH, in qua profapia Stephanus ciuem Viennensem egit, anno Domini 1400. Nicolaus, 1436: Iodocus, nostra ætate obiit.

RAVCHENPERGER, Osualdus anno Domini 1480. alterum progenuit Osualdum, quem ipsi nouimus.

ZAVNER, ex Styra se Viennam contulerunt: quorum Petrus anno 1400. ciuem Viennensem egit. unde Vuolfgangus prodijt, consul Viennæ anno 1500. Is rursus Leopoldum reliquit, qui nostra memoria in peste obiit.

HAYN, quo nomine Ioannem inuenimus, anno Salutis 1470. unde Ludouicus pharmacopola processit, pater Ioannis Heyn Medicinæ doctoris, græcè & latinè doctissimi uiri: & N. Heyn pharmacopolæ, qui adhuc in uiuis est, & cum Ioannis filio profapiam suam sustinet.

GVNSER, quo nomine Iacobus uixit anno Domini 1396. nostra ætate nouimus Viennæ mercatorem quendam hoc nomine.

HVMELREICH, quo nomine Ioannes uixit 1480. eiusq; frater Vuolfgangus. Ioannes Iacobum tulit, I. V. doctorem, & hodie senatorem Viennensem, & Leopoldum.

STEGE,

KVCHLER, quo nomine Haynoldus consul Viennensis, anno 1358. Ioannes anno Domini 1513. consul quoq; ibidem. Cuius filius empto prædio prope thermas Baden, ex urbe migrauit.

T 3

CAPVT

CAPVT VI. DE NUMERO PRAEFECTORUM Senatus Vniennensis, & qui quibus ex familijs lecti fuerint.



Origo officij praefecti urbis.

Uti primum Viennae Praetoris fuisse magistratum constat, qui multo etiam tempore solus, & deinde consulari adiuncto Rempublicam ciuium administrauit: tamen haud ambigua res est, multis postea seculis, crescente non solum & fortuna & numero ciuium, uerum etiam urbis paulatim magnificentia inaucta, ne quid splendoris deesset, ipsos Austriae principes senatus consultis interfuisse, & de communibus rebus cum suis ciuibus, in ipsa urbana curia tractasse. Qui postea cum tot accessione Prouinciarum, augustiore administratione suam reddidissent, nec uacare amplius soli Viennae ampliandae aut gubernandae possent, suo loco praefectos in senatu constituere: qui ne quid contra Principis rem, communemque usum constitueretur, interessent, & praecauerent, & personam Ducis in omnibus praferrent. Quorum catalogus (quantum memoria repetere licuit) is est.

GEORGIUS FLEMMING, anno Salutis 1400. praefectum Senatus egit.

IOANNES VELBEN, de nobili genere ciuium prodijt. qua in stirpe multo ante Henricus quispiam Velben, ducta Vualpurgi comitissa ab Helfenstain & Hardekh, in comitem Hardecensem a ducibus Austriae inauguratus est, anno Domini 1260.

VVOLFHARDVS INPRVKHER, huic magistratui praefuit anno Salutis 1408. cuius nominis adhuc hodie nobiles castrum possident haud procul a Thermis Badensibus.

IOANNES ZYNKH, anno Christi hunc gessit magistratum 1416. Cuius auspicijs, diui Rudperti & indiuiduae sacrosanctae Trinitatis sacella ruinosa & ferè collapsa uetustate, renouata sunt.

IODOCVS HAVSER, huic praefuit postea magistratui, 1424. Quo nomine adhuc hodie familia nobilium superest, in cuius obsequio castra sunt Matzn, et ex qua Lupoldus adolescens uiuit, filius Iodoci.

IOANNES VVALICH, praefecti senatus magistratum gessit anno a nato Christo 1437. quo nomine adhuc in superiori Austria nobilium familia superest.

GEORGIUS CHRONPERGER, anno 1480. senatui Viennensi principis Austriae nomine praefuit.

NICOLAUS TESCHLER, anno Domini 1485. ex ordine senatorio, Georgio Chronperger in officio isto suffectus est, cum antea quoque pratore egisset.

N. a GVTENSTAYN, Nicolao successit.

BERNHARDVS PERGERIUS, Grammaticae Latinae editione cognitus,

cognitus, hunc quoque magistratum à Maximiliano Cæsare administrandum accepit.

IOANNES CVSPINIANVS, medicus, poeta, & historiographus, ex Schuuyaynfurda Francouiae oriundus, cum multo tempore literas ac medicinam Viennæ prælegisset, à Maximiliano senatui Viennensi præfectus fuit: quo officio diu functus est, usque ad obitum, & annum Domini 1529.

IOANNES APFALTER, nobili loco in Carniola natus, à Ferdinando Cæsare post obsidionem Viennensem in officio Cuspiniano successus est, anno Domini 1530.

VUOLGANGVS TROY Viennensis, & Friderico quondam Cæsari à cubiculis, cum multo tempore in senatu fuisset, ac aliquot annis consulatu functus, tandem ob merita à Ferdinando rege Ioanni in officio præfecti senatus successus est, anno Verbi incarnati 1537.

STEPHANVS AGLER, cum aliquandiu fisci Austriaci egisset bibliophylactum, à Ferdinando tandem rege & Austriae archiduce Vuolfgango Troy in officio est successus.

LEOPOLDVS SCHADNER, ciuis Viennensis, uices huius tantum officij gessit per mensem, obiit paulo post & ipse in peste, in qua & Stephanus Agler.

DIONYSIVS KHOEKH, & is uices huius gerere officij à senatu regio iussus est, quod cum fide ab anno Domini 1541, usque ad annum 1543, administravit.

ANDREAS LYNDAVER Charentanus, cum multo tempore à secretis fisci regij fuisset, ac Alobarches officium fideliter Ferdinando regi præstitisset, ab eodem senatus quoque Viennensis præfectura accumulatus est, quam adhuc hodie gerit.

CAPVT VII. DE NUMERO ET

ordine consulum Viennensium, & qui quibus ex familijs hoc officio functi sint.



uam magnificum consulis Viennæ officium sit, præter tot seruatorum comitiuum, uel titulus ostendit. Quem post Argentoracensem solus, inter imperiales etiam ciuitates, magnifici, Viennensis consul, non solum à principe suo, sed ipso adeo imperio consentiente obtinuit: fortè (ceu antea præfati sumus) quod principes unà consultare in curia urbana, cum consule, eiusque senatoribus, non dedignarentur. Proinde factum est postea, ut prætori in subsellijs & subscriptionibus consul prælatus sit, qui antea non fuit, & introductus postea multo tempore suberat. Horum catalogus ac ordo (quantum memoria reperere licuit) is est:

RVDIGERVS BALTRAM, consulatu legitur Viennæ esse functus, quo tempore Rudolphus Habsburgensis Cæsar Ottocaro tyranno interfecto, Austriam, & ipsam simul Viennam in fidem recepit, hoc est anno à nato Christo 1282.

Quam magnificus consul Viennensis.

CHRISTOPHORVS POLL, in consulatu Rudigero successit, anno 1284. cuius familiae postea plerique hoc sunt magistratu perfuncti.

HENRICVS CRONVEST, consulatum Viennae gessit anno 1300. in qua stirpe multi postea & consulatu & praetura perfuncti sunt.

IOANNES POLL, consulem Viennensem anno Domini gessit 1303.

CUNRADVS POLL, fratri successit in consulatu, anno 1306.

NICOLAUS POLL, anno incarnationis postea 1313. tanquam Polliorum nobilis Viennae familia ad hunc constituta magistratum foret.

OTTO VULFLEMSDORFER, anno legitur in uetustis diplomatibus consulem Viennensem egisse 1319. De qua stirpe antea a nobis dictum est.

CUNRADVS DE ESELARN, consulis munere functus est ab anno Domini 1337. per uices, cum Ottone Vuulfensdorfer, aliquot annis.

HAYNOLDVS SCHVCHLER, consulatu functus est anno postea 1343.

NICOLAUS DE ESELARN, consulem egit Viennensem anno 1345.

THEODERICVS FLVSHART, anno Christi 1346.

IOANNES DE TIRNA, anno 1347.

HENRICVS CRONVEST, consulatum gessit anno 1357.

HAINOLDVS KHVCHLER, magistratu consulatus functus est anno Domini 1358.

CUNRADVS DE ESSELARN, consul Viennensis erat anno Domini 1377.

MICHAEL GEYKHRAMER, consulatum suscepit anno Domini 1378.

ORTOLPHVS VIRDVNG, in consulatu successit anno 1386.

PAVLVS VUVRFEL, eodem officio fungi coepit anno 1396.

BERCHTOLDVS LANG, anno hunc magistratum gessit 1401.

RVDOLPHVS ANGERVELDER, in eodem successit officio, anno Domini 1404.

PAVLVS GEYR, consulatu Viennensi functus est anno Domini 1408.

ALBERTVS ZITTAR, anno incarnationis Domini 1410.

IOANNES SCHERPFENBERGER, anno 1415.

STEPHANVS POLL, anno 1416.

IOANNES FVGSL, anno Domini 1419.

CUNRADVS HOLTZLER, magistratum hunc gessit anno 1420. author coenobij Vestalium diui Hieronymi.

NICOLAUS

NICOLAUS VNDER DEM HYMEL, anno 1428, author con-
tubernij Rosarum.

IOANNES STEGER, anno 1434.

NICOLAUS DESCHLER, anno 1447.

GEORGIUS SCHVCHLER, 1449.

LAVRENTIVS HAYDEN, ab anno Salutis 1464. per aliquot
annos hūc gessit magistratū, de cuius familia antea à nobis dictū est.
STEPHANVS OEN, ab anno Domini 1480. per aliquot annos
hoc est functus magistratu, usque ad expugnationem Vuiennę, fa-
ctam à Mathia.

PAVLVS KHOEKH, multis annorum interuallis, ac ceu per ui-
ces, cum Stephano Oen hoc functus est officio.

LEONHARDVS RADAVNER, gerere hunc magistratum oc-
cepit anno Salutis 1496.

VUOLFGANGVS RIEDERER, anno Domini 1500.

VUOLFGANGVS ZAVNER, ab anno Domini 1508.

PAVLVS KHOEKH, ab anno Domini 1510. non semel hoc est
functus magistratu per uices cum alijs, continuis uerò sex annis in
officio manserat antea.

IOANNES KHVCHLER, ab anno Domini 1513. hūc gessit ma-
gistratum.

IOANNES KHAVFMAN, I. V. doctor, idem gessit officium ab
anno 1515.

LVPOLDVS PVDMANS DORFER, anno Domini gessit 1517.

IOANNES RYNNER, anno functus est 1519. sub ipsum diui
Maximiliani obitum.

VUOLFGANGVS KHIRCHOVER, ab anno Salutis 1520.
huic aliquot annis pręfuit magistratui, sub ipsam factionem & scis-
sionem Austriae in duas partes Maximiliano extincto.

GABRIEL GVTRATER, I. V. licenciatus, qui postea urbis scri-
nijs pręfuit, anno 1522.

IOANNES SYESS, quem multis annis cum laude hunc gessisse
magistratum legimus, ab anno uidelicet 1524.

SEBASTIANVS SVLTZBOEKH, in hoc magistratu successit
1526.

ROMANVS STAVDINGER, circa annum Salutis 1527. in hoc
fuit magistratu.

VUOLFGANGVS TROY, ab anno Domini 1528. usq; ad an-
num 1534. consulem egit, unico intermedio, qui sequitur:

SEBASTIANVS EISALER, anno uno pręfuit 1530.

VUOLFGANGVS TROY, hunc iterum resumpsit magistra-
tum, anno 1531.

IOANNES PVLCHAYMER, medicinę doctor, ab anno Do-
mini 1534. biennio huic pręfuit magistratui.

VVOLFGANGVS TROY, iterum in se hoc recepit officium, anno Salutis 1546.

HERMES SCHALLAVTZER, in hoc magistratu biennio fuit, ab anno uidelicet 1538.

PAVLVS PERNFVES, eundem magistratum biennio gessit, ab anno 1540.

STEPHANVS DENKH, ab anno Salutis nostræ 1542, in hanc usq; diem consulatus officium magna laude, & sine odio etiã plebis administrat, quod insolitum antehac fuerat.

CAPVT VIII. DE NUMERO ET

ordine prætorum Vuiennensium, & qui quibus ex familijs huic magistratui præfuerint.



RIMVS omnium Viennæ prætoris, & summus quoq; fuit magistratus, ab imperio Romano (ut diplomata habent) confirmatus, cui postea consulatum Austriæ duces adiecerunt. Is prætura aliquot annis inferior, anno postea 1300, primum præferri cœpit. Itaq; catalogus prætorum, eorum maximè qui consulibus, & subsellijs, & dignitate inferiores erant, sic habet:

REIMBOTO Eleib, præturæ legitur Vuiennensi præfuisse, anno 1283.

HENRICVS de Harmarkh, anno successit postea 1289.

STEPHANVS Khruogler, prætorem Viennensem egit, anno 1320.

THEODERICVS Vrbetsch, in prætura Viennensi legitur fuisse 1333.

HAYNOLDVS Schuchler, anno prætor fuit 1342.

IACOBVS de Eßelarn, 1343.

THEODERICVS Flusshart, 1344.

IOANNES de Tierna, 1346.

THEODERICVS Flusshart, 1347.

CUNRADVS de Eßelarn, 1348.

LVPOLDVS Schuchler, 1349.

HENRICVS de Eßlarn, 1350.

NICOLAVS Vuurfl, 1351.

CUNRADVS Vrbetsch, 1352.

LVPOLDVS Poltz, 1353.

NICOLAVS

NICOLAVS Vuurfel	1354.
MICHAEL Schuchler	1355. per biennium.
IOANNES Schmanzer,	1357.
IOANNES am Khyemarkh,	1359.
FRIDERICVS Rueschl,	1360. per triennium.
PAVLVS Ernst,	1363.
CVNRADVS Vrjetsch,	1364.
LVPOLDVS Poltz,	1365. per biennium.
MICHAEL Virdung,	1367. per biennium.
CVNRADVS Vrjetsch,	1369. per biennium.
MICHAEL Virdung,	1371. per triennium.
HIERONYMVS Mullendorfer,	1373.
NICOLAVS May,	1379.
VuOLFHARDVS Pob,	1380.
MARTINVS Aechtel de Tulna,	1384.
ORTOLPHVS Virdung,	1385.
MARTINVS Echter,	1386.
VuOLFHARDVS Pob,	1387.
IOANNES de Eszlarn,	1388.
VuOLFHARDVS Pob,	1391.
PAVLVS Vuurfel,	1392.
RVDIGERVS Sumerer,	1396.
HAYNOLDVS Schuchler,	1401.
PETRVS Angeruelder,	1402.
ALBERTVS Zittar,	1408.
NICOLAVS Grauer,	1411.
VuOLFGANGVS Purkhartzperger,	1414.
STEPHANVS Poll,	1415.
IOANNES Scharpfenberger,	1416.
IOANNES Fugfel,	1420.
CVNRADVS Holtzler,	anno 1421. per biennium.
IOANNES Musteretz,	anno 1423.
NICOLAVS under dem Hymel,	1424. per biennium.
CVNRADVS Peruuinder,	1426.
IOANNES Steger,	1427. per biennium.
CVNRADVS Peruuinder,	1429.
STEPHANVS Vuirsing,	1430.
LEONHARDVS Neuhofer,	1431. per quadriennium.
HAYNOLDVS Schuchler,	
ANDREAS Hildebrandus à Merania,	anno 1437. per triennium.
OSVALDVS Reichuuolf,	1440. per biennium.
IOANNES Hargenseer,	1442.
NICOLAVS Teschler,	1443. per triennium.
GEORGIVS Schuchler,	1446. per triennium.

- ERASMVS Panhaymer, 1448. per triennium,
 GEORGIVS Schuchler, 1452.
 IACOBVS Starch, 1453. per triennium,
 GEORGIVS Epishaufer, 1456. per biennium,
 IOANNES Angeruelder, 1458.
 SEBASTIANVS Zegelhauser, 1459.
 LAVRENTIVS Haiden, 1460.
 MARTINVS Enthaymer, 1461.
 LAVRENTIVS Schonperger, anno præturam administrauit
 1463.
 GEORGIVS Epishaufer, anno 1464.
 THOMAS Denkh, anno prætozem gessit 1473.
 IOANNES Musterer, 1476.
 MARTINVS Enthaymer, 1477.
 LAVRENTIVS Tafchndorfer, 1480. per quadriennium.
 LAVRENTIVS Hutendorfer, anno 1496. per septennium
 ordine.
 SIGISMVNDVS Pernfues, anno 1503. per annos octo.
 IODOCVS Nagel,
 N. PELCHINGER, anno gerere hunc magistratum incepit
 1513.
 IOANNES Rynderer, anno successit in præturam 1515.
 MARTINVS Sübenburger, I. V. doctor, anno 1517.
 LADISLAVS ab Edlasperg, eques auratus, anno successit
 1520.
 ANDREAS Pacheleb,
 N. DVGENTLA,
 VDALRICVS Khukh, myropola, incepit præturam gerere ab
 anno 1524. per triennium.
 PAVLVS Pernfues, ab anno 1527. per quadriennium.
 LADISLAVS ab Edlasperg, ab anno 1532. per triennium,
 PAVLVS Pernfues, ab anno 1536. per quadriennium.
 HERMES Schallautzer, ab anno 1540. per quadriennium.
 LVPOLDVS Offner, ab anno 1544. in præsentem diem præto-
 ris magistratum sustinet.

CAPVT

RERVM VIENNENSIVM LIB. IIII. 157
 CAPVT IX. DE NUMERO ET OR-
 dine magistrorum, quos uocabant monetæ, siue
 Bracteariorum.



Is igitur magistratibus Respublica Viennensis cum in
 immensum cresceret, principum suorum studijs accedē-
 tibus, ius quoque signandi argentum, ut cæterę urbes im-
 periales, impetrarunt; eiq; rei magistratum præfecerunt,
 qui certo quodam ciuium collegio adhibito, atq; ex his potissimū
 qui rem domi copiosam habebant, & argentum suppeditare pote-
 rant, nummos argenteos minores & maiores quadrangulares, ur-
 bis nomine, insignibus quoque eius (cruce uidelicet) adiectis, quotā
 nis eudebāt; usi in hac re bracteariorum opera, quos in ædibus suis
 passim alebant, à quibus in hanc usque diem uico nomē mansit, ubi
 magnificentissime urbis ædes uisuntur, uulgus uocat *Münzerstrass*.
 In quo hodie mercatores colunt, qui ex Italia Viennam merces fe-
 runt. Ipsi adeo gentilitio sermone, huius ordinis ciues *Hausgenos-*
sen, hoc est domus et familię cōfœderatę: qui uero his senatus no-
 mine præfuit, *Magister monetæ* appellabatur, cui proxima sedes
Prætori adsignabatur, primis quoque annis prætoribus prælati,
 adeo ut *Consulatu* fuerit hic quoque multo tempore coniunctus
 magistratus: qui demum ab *Austrię* archiducibus, cum magnitu-
 dinem fortunę peccandi licentiã metiti fuissent, prærogatiua ista
 tam splendida abusi, unã cū collegio & prærogatiua sublatus fuit.
 Horum uerò catalogus sic habet:

Officium
 magistro-
 rum mone-
 tæ.

CVNO, ex familia fratrum Minorum, hunc gessit magistratum,
 anno 1290.

FRIDERICVS LEVBL, & ante Cunonē, anno uidelicet 1289.
 & post eum, bracteariorum collegio præfuit, anno Domini 1300.
 Superest hæc familia adhuc, sed ad extrema redacta.

BERNHARDVS CRONVESST, anno præfuit 1332.

MICHAEL GEYKHRAMER, anno 1370. hunc legitur magi-
 stratum gessisse.

NICOLAUS GEYKHRAMER, anno 1408.

VDALRICVS GVNDLACH, anno 1420. in hunc magistra-
 tum lectus est, qui postea Consulatum coniunxit.

NICOLAUS VNDER DEM HIMEL, hunc magistratum ulti-
 mus gessit, ab anno Salutis nostrę 1430. usq; ad annū 1442. quē
 authorem contubernium Rosarum Academię Viennensis agno-
 scit, ab hoc uiro amplis donatiuis accumulatum, & pro Austriaco-
 rum subsidio pauperum, quos ingenij cultum capere egestas im-
 pedit, constitutum.

THOMAS MOINGVS, auus maternus nostri Ioan. Baptistę
 Bachaleb, fisci Austrię aduocati, ultimus fuit.

CAPVT X. ET VLTIMVM, DE
*numero & ordine Magistrorum Epistolarum, qui
 Scribæ urbani cognominati sunt.*



Qvod in magnis rebus publicis semper obseruatum fuit, ut sui magistratibus amanuenses adiungerentur, qui laborum focij essent, & senatus consulta in literas referret, ne caduca hominum memoria, ipsaq; fragilis uitæ nostræ constitutio fraudi partibus esset: eam Vienna nostra etiam tenuit consuetudinem, cōsuli & senatoribus scriniorum magistrum concedēs, qui arcanis consilijsq; usq; interfuit, & quæ ibi constituta erant, ac decreta excipiebat. Hoc in hanc usq; diem officium manet, nomine tantum à Germanis (ut fit) mutato. Scribam enim Urbis uocant, qui consilijs interest, litigantibus decreta senatus ad signat, partiū libellos accipit, & in senatu prælegit: quæ à senatu ad Principē uel alios magistratus ordinesq; referēda sunt, & refert, & literis perscribit, & omnino Epistolarum magistri munus gerit. In quo officio hosce reperimus:

VDALRICVS SVNKLER, scrinijs urbis Viennensis præfuit, anno 1400.

CVNRADVS KHVOFSTAINER, eisdem præfuit multo tempore, ab anno 1420. à quo nobilium Austriae celeberrima profapia hoc nomine defluxit.

CHRISTIANVS VELDNER, ab anno Domini 1427. præfese scrinijs occœpit.

MARTINVS KHVRTZ, bienno ferè hoc functus officio reperitur.

VDALRICVS HIRSAVER, ab anno Domini 1436. multis annis scribæ Urbani officio functus est.

VDALRICVS GRIESSEMPOEKH, I. V. licenciatus, Epistolarum muneri urbis Viennensis ab anno Domini 1467. usq; ad annum præfuit 1500.

VITVS GRIESSENPOEKH, Vdalrici filius, patrem in officio sequutus est.

STEPHANVS KOEKH, I. V. doctor Viennensis, patre Paulo consule natus, multo tempore post Vitum Griessempœkh, à scrinijs urbis fuit.

VICTOR GAMPP, I. V. doctor & ipse Viennensis, circa annum Domini 1517. scriniorum magistri munus administrare occœpit. Cuius filius Hieronymus Gamp, doctissimus & humanissimus adolescens, & sanè magnæ expectationis uir, factorum iniquitate abreptus est, anno 1541.

N. MVRINGER, Sueuus, & artiū liberaliū doctor, huic officio nō diu præfuit, morbis confectus, et intempestiua morte abreptus.

GABRIEL

GABRIEL GVTRATER, I. V. licenciatus, & ante Murringerum, & post multo tempore Viennensium scrinia tenuit, consulatu quoque eiusdem loci functus, circa annum Domini 1521.

IOANNES HOFFMANN, ex Styria accersitus, mortuo Gabriele, scrinijs urbis Viennensis praeficitur, anno 1527. Quo officio usque ad obitum cum laude functus, qui fuit anno 1541. duos filios, & tres post se filias reliquit: quarum unam Ioannes Heyn medicus doctissimus, secundam Vuolfgangus Troy consul, tertiam Franciscus Iglshouer ex nobili familia Styriae, & Ferdinando Caesari a secretis, duxere coniuges.

FRANCISCVS IGLSHOVER, socero adhuc uiuenti in laboris societatem iunctus fuit, quem post obitum in officio quoque sequutus est, uir a bonis literis nec alienus, nec patrocinijs harum difficilis. Cuius pater Paulus, auus Leonhardus, patruus uero Erasmus Margburgi praefectus, aliquo in Styria loco fuere. Ipsum uero Franciscum Ferdinandus rex ad consilia admisit, & fratris Laurentij opera, in grauissimis bellis non semel est usus. In quibus tandem a Turcis in Hungaria, cum uniuersa subdita cohorte circumdatus & interfectus, fortiter occubuit.

FINIS LIBRI QVARTI
rerum Viennensium.